

آبونه تیرار : هر بر ایچون
سنه لکی (۴۰۰) آلتی ایلی
(۲۲۵) ، ممالک اجنبیه ایچون
سنه لکی (۴۵۰) ، آلتی آیلنی
(۲۵۰) غروشدور.

نسخه سی ۷،۵ غروشدور .
سنه لکی ۵۲ عددور .

اداره خانه : باب عالی جاده سنده
رشید افندی خاندنه

اخطارات
آبونه بدلی پشیندر .


مسلكه موافق آثار مع المنونیه
قبول اولنور . درج ایدله یین
یازیلر اعادة اولنماز .

والله یهدی من یشاء الی صراط مستقیم

باش محرر
محمد ماکف

صاحب و مدیر
اشرف ادیب

اتبعون اهدکم سبیل الرشاد



اداره سی سیدیلنده ایریچی
۵ غروش کوندرملیدر .

مکتوبلرک امضای واضح
واوقوناقلی اولسی و آبونه
صره نومروسی محتوی
بولوغسی لازمدر

ممالک اجنبیه دن آبونه
اولانلرک آدرس لرینک
فرالیزجه یازلسی رجا اولنور .

یاره کوندردلرکی زمان نه یه
دائر اولدینی بیلدرلسی
رجا اولنور

جلد ۲۵

۵ مارت ۱۳۴۱

نخستین شماره

۹ شعبان ۱۳۴۳

عدد ۶۴۱

مسلمانان قادییه

۸

طریق

طلاق ازدواج قانونلرینه ملحقدر . طلاقک یالکیز نوع بشره
خاص بر شی اولدینی آکلاشیلیور . طبیعت ، حیوانات یا خودطیوره ،
زوجه لرندن آریله لرینی اقتضا ایدمه جک بر حساسیت بخش ایتمه مشدر .
حیوانات و طیور ایچنده بر آرقداش ایله اکتفا ایدنلرک یکدیگرینه قارش
غریزی بر صداقت ایله ، امتزاج طباع ایله مفطور اولدقلری آکلاشیلیور .
نوع بشر ایسه محاکمه و سربستی اراده صاحبی اولدینندن بومواهبک
بدلی اوده مکده در . ارککلر و قادیلر شرکای حیاتلرینی انتخاب
ایتمک خصوصنده الک بویوک دقت و اعتنائی بیله کویسترسلر بالآخره
آره لرنده اختلاف و قوعی یینه چوق محتملدر . یکدیگر بیله کچینه مهین
زوج و زوجه نک یگانه سبب اختلافی صداقتسزلک ده کلدر . زوج
و زوجه نک خویی و ذوقی یکدیگرندن او قدر فرقی اولورکه بو حال
حیات زوجیه بی آلت اوستایدور . (سعدی) دیرکه : « ای بر آدمک
اونده اولان قتا بر زوجه ، اونک ایچون بر جهنمدر » قادینه ده ،
ارککلدن ده متحمل و فراغت نفسه دهه مساعد اولدینی حالده
سومدیکی بر ارککله اصرار حیاته مجبور اولورسه عینی صورته متأثر
اولور . قادینک نظرنده اوی ، ارککلردن دهه عزیزدر . قادینک
چو جوقلرینه محبتی ده فطرت دهه فضلدر . همومیتله قادینک حسیات
شفاعتکارانه سی و زوجه مر بوطیق دهه فضلدر . بو خصوصصانده
قادینک ارککله فائق مسلمدر . قادین ؛ زوجی ، چو جوقلرینی و اوی

ترک ایتمکدنه بر چوق زحمتلره تحملی ترجیح ایدور . قادینلرک بوسیجه
نسویسنی نظر دفته آلان یگانه شریعت ، شریعت اسلامیه در .

معلوم اولدینی اوزره (هندو) دینندن باشقه بوتون ادیان ارککلک
زوجیه سی بوشامسنه مساعده ایتمشدر . فقط مسلمانلقدن باشقه هیچ
بر دین زوجه نک حق طلاق قبول ایتمه مشدر . زوجه لرک زوجیه لرینی
بوشاملرینی ، یونانیلر ، رومالیلر ، بنی اسرائیل و خریستیانلر قبول
ایتمشلردور .

اهل اسلام ایچنده بعض فقها ، مسلمانلر ایچون طلاقک مباح
اولمادینی اجتهادنده بولونمشلر ، فقط بونقطه نظر قبول اولونما مشدر .
(درالمختار) طلاقک غیر صحیح اولدیغنه درمیان اولونان دلائلی رد
ایتدکن صوکره دیرکه : « طلاق ، فی الحقیقه ممنوعدر . فقط بعض
شرائط داخلنده مباح اولور . مع مافیه بعض فقها طلاقک هیچ مباح
اولمادینی فکرنده درلر . »

دیگر طرفدن مسلمانلرک قادینه حرمتی اودرجه ده درکه (درالمختار)
ارککلک بعض ضعف لرینی و بدنی قصور لرینی تعداد ایتدکن صوکره
« طلاق ، قادینک حقوق و منافعی تأمین ایچون لازمدر ، دیر .

شوراسی محققدیرکه رسول اعظمک طلاق قدر نفرتله قارشیلادینی
بر شی یوقدی . پیغمبرمن بویوریورلرکه :

۱ — حلال اولدینی حالده نظر الهیده الک منفور اولان شی
طلاقدر . (مشکاة)

۲ — جناب حق بر یوزنده طلاقدن دهه منفور برشی بار اتمام مشدر .
(ابو داود)

۳ — بر طلاق اولدینی عرش اعلا تیتدر . (کامل)

۴ - کوله لری آزاد ایتک قدر الهی خوشنود ایدن و طلاقدن زیاده الهی اغصاب ایدن بر شی یوقدر . (دارقطنی) وهلم جرا . پیغمبرمزنک طلاقدن زیاده سیله نفرت ایتدیکنی هر مسلمان بیلیر . فقط شریعت اسلامییه ، جهانشمول و هر زمان و هر مکان ایچون کوندریلن بر شریعت اولدینی ایچون حضرت محمدک طلاقدن متفر اولماسنه رغماً طلاقه دائر وضع احکام ایتهمسی لازمدی . فقط رسول اعظمک طلاقدن نفرت ایتهمسی امت اسلامییه ایچون پک خیرلی اولمشدر . چونکه بالنتیجه یوز میلیونله بالغ اولان مسلمانلر آره سنده طلاق آز وقوع بولمقدردر . مسلمانلر آره سنده طلاق مهمجه بر حرکت طانیلیر . و زوجه لرینی تطلیق ایدنلرین الناس اعتبارلرینی ضایع ایدرلر . امام غزالی دیرکه :

« طلاقدن اجتناب ایچون زیاده سیله دقت ایتهملی . چونکه طلاق مباح اولمقله برابر جناب حق طلاق وقوعندن خوشنود اولماز . طلاق کلمه سنک تلفظی بیله قادینی ایجیتیر . برانسانی اینجیتیمک ناصل دوغرو اولابیلیر . طلاق مطلقاً لازم اولدینی زمان طلاق ثلاثه دن اجتناب ایتهملی ، اوچ مختلف مجلسده طلاق تکرر ایله ملیدر . قادین ، حدت واستحقار ایله وسببیز تطلیق اولونمالی . بو حرکت ادب و نزاکت دائره سنده وقوع بولمالیدر . طلاق متعاقب انسان ، سابق زوجه سینه برهدیه و یرمه لی ، زوجه سنک اسباب طلاق باشقه لرینه اخبار ایتهملیدر . زوجه سنی طلیق ایتک ایستین معروف بر ذاته « زوجه کدن نیچون آریلیورسک » دهنیمش ، اوده « زوجه مک اسرارینی فاش ایدم » دیمشدی . طلاقک بالفعل وقوعنی متعاقب عینی ذاته زوجه سنی نیچون بوشادینی سورولمش ، بودفعه ده « سابق زوجهم آرتیق بنم یانجیمدر . اونک مسائل خصوصیه سیله علاقه دار ده کلم » جوابی و یرمشدی . . . مسلمانلق طلاقه قارشى مانع لر وضع ایدرک اونى شدت و اصرار ایله تحدیده تشبث ایتدیکی حالده طلاقى صورت قطعیه ده منع ایتهمسی ، شریعت اسلامییه نك بر قومه و بر زمانه منحصر ده کل ، بوتون اقوام و كافة ازمانه شامل بولونماشدن ایلری کلکده در . (مق) نك روایتیه نظراً حضرت عیسی « بن یالکیز ، اسرائیلک غایب اولمش سوروسنه کوندرلدم » دیمشدر . بناء علیه عیسایک طلاق قانونی ، که عیسویتک قادینلره دائر یکانه قانونیدر ، بنی اسرائیله منحصر و اوزمان قادینلرک دوچار اولدقلری وضعیق اصلاحه معطوف ایدی .

مق انجیلی حبر عیسایک شریعت موسویه یی تبدیل و زوجه یی تطلیق ایچون یالکیز صداقتسرلکی قبول ایتهمسندن بحث ایدیورکن حضرت عیسایک شو سوزلری سویلدیکی قید ایدیور :

« قبلرکزک قاتیلانلار سینه مبنی (موسی) سزک زوجه لرکزی پیراقه کزی قبول ایتدی . فقط اولجه مسئله بویله ده کلدی . بن ده

سزه دییورم که زنا مستثنا اولق اوزره کیم زوجه سنی ترک ایده جک اولور و باشقه بر قادینله ازدواج ایدرسنه زنا ارتکاب ایتمش اولور . تطلیق اولونان بر قادینله ده تزوج ایدن زنا شریکی اولور . بوکا قارشى حواریون دیدیلرکه وضعیت بومرکزده ایسه ازدواج مناسب ده کلدر . فقط عیسی دیدی که بومرکزک قبول ایده جکی برسوزده کلدر شریعت اسلامییه ایسه یالکیز صداقتسرلک سببی ده کل ، حیات زوجه ده مسعودیتی امکانش برحاله کتیرن بوتون اسبابی نظر اعتباره آلمق مجبوریتده ایدی .

خریستیان حقوق شناسلری ، حضرت عیسایک تبلیغ ایتدیکی روایت اولونان بوماده یی توسیعه مجبور قالمشدر . چونکه بوماده مدنیت و حیات اجتماعی نك بوتون احتیاجات و بوتون شرائطی کافل ده کلدر . خریستیان روسیه ، که سوویهت اداره سنک تأسسندن مقدم الک متعصب خریستیان مملکتلرندن بری ایدی . اوراده طلاق ایچون ۳۵ سبب تقرر ایتشدی . آمریقاد طلاق بر او یونجاق حاله کیرمشد . انکله ده ده ، صداقتسرلکدن ماعدا باشقه سببلر ایچون ده طلاق قبولی لهنده بویوک بر حرکت باشلامشدر .

الحاصل بوتون مدنیت عالمی ، طلاق خصوصنده اساسات اسلامییه یی ، یعنی طلاقک صداقتسرلکدن باشقه اسباب ایچون ده وقوعنی قبوله متایلدر . مسلمانلنک طلاقه طائد قوانینی تدقیق ایدیورکن بونلره متعلق اولان آیات جلیله قرآنییه یی نقل ایده جکیز . فقط بوکا شروع ایتهمدن مقدم بونقاطی دائماً کوز اوکنده بولوندرمالی یز :

۱ - مسلمانلق جهانشمول بردیندر .

۲ - مسلمانلق شدتله و موفقیتله طلاقى تحدیده چالیشیر . بالخاصه مسلمانلق مسلمانلرده چوق یوکسک بر روح دینی وجوده کتیردیکندن اونلرک بوتون حرکاتی مراقبه ایدر .

۳ - طلاق قوانینی ، ازدواج و حضانه قانونلریله برلکده تتبع اولونمالیدر .

قرآن کریم هدفی ازدواجی بیان ایدرک دییورکه :

« ومن آياته ان خلق لكم من انفسكم ازواجا لتسكنوا اليها وجعل بينكم مودة ورحمة »

بو آیت کریمه نك معنای : « حق تعالی نك آیاتندن بری ده سزه کندی نفسکزدن آرقداشلر یار اتمشدرکه اونلره نائل حضور اولاسکز . جناب حق آره کزه مودت و رحمت قویمشدر . »

هیچ شبهه یوقدرکه ازدواج ، جمعیت بشریه نك رفاه و مسعودیتده پک مهم بر عاملدر . نوع بشرک بقاسی اوکا وابسته در . بناء علیه طلاق جمعیت بشریه ایچون آنجق غیر ملایم اولابیلیر . فقط بعضی شرائط داخلنده طلاق بر نعمت اجتماعی اولور و بر چوقی طائله لری

سفالت و فلا کتدن قورتاریر . ازدواج ، ارککه قادینک مسعودیت اجتماعی سی ایچون برار تشکیل ایتدیکی زمان شهبه سز طلاقه مراجعتدن باشقه چاره یوقدر .

مسلمانلقد ازدواج بر عقددر . طلاق اوعقدک فسخیدر .

مسلمانلق ازدواجی تصدیق ایچون بر طاقم مراسم وضع ایتمه مشدر . رضای طرفین ، مهر تعینی ، ایکی شاهد ، برارکک ایله بر قادیخی زوجیت رابطه سیله باعلامه کافیدر . عقد ازدواجک فسخی ایچون مراسم احتیاج یوقدر . محکمه لردده کیرلی جاشیرلرک میدانه چیقاریلماسی واسرار عائله نك افشا ایدله سی کی حرکاته مسلمانلق تحمل ایدمه من . مسلمان بر زوج زوج سندن آریلق ایسته یورسه بو حرکتک اسمی طلاق در . بو حرکت صورت خصوصیه ده اجرا اولونور . طلاق ، زوجنه نك طلبی ، یاخود متقابل ائتلاف ایله وقوع بولورسه بوکا « خوله » ، یاخود (مبارات) تسمیه اولونور و بونی حاکم شرعی اجرا ایدر .

عقد ازدواجی فسخ ایچون مسلمانلق شرائط مخصوصه وضع ایتمه ، بناء علیه هر عقد ازدواجک کندی شرائط مخصوصه سنه کوره فسخته مساعدده ایدر .

قادیکنی حمایه موفق اولمازسه بیله قرآن کریم اوئی بو آیتلریله حمایه ایدر . قرآن کریم ارککلره خطاباً دیورکه :
« وان اردتم استبدال زوج مکان زوج و آیتیم احداهن قطاراً فلا تأخذوا منه شیاً . تأخذونه بهتانا واثماً میناً وکیف تأخذونه وقد افضى بعضکم الی بعض واخذن منکم میثاقاً غلیظاً »

یعنی « بر زوجنه نك یرینه دیگر بر زوج آلق ایستردده بونک یرینه بر ییفین آلتون و یرمش اولسه کز بیله اوندن بر شی آلماسیکز . اوئی بهتان یا پهرق و آشکار بر کنه ایشلیه رک ناصل آلیرسکز ؟ نصل آلیرسکز که هر بریکز دیگرینه افضا ایشمش و قادینلر سزدن محکم بر میثاق آلمش بولونیورلر . . . »

بو آیات کریمه مسلمانلغک منافع نسوانه نه قدر رعایتکار اولدیغنی کوستر .

قرآن کریم مهر ایچون « قطار » کلاسی استعمال ایتمه که مهره بر حد تعیین ایتمه مکده در . بونی متعاقب ازدواجک فسخی تقدیرنده زوجک بوندن بر شی استرداد ایتمه مسنی ، زوجیه طاند اولان هر شیشی تأدیه ایتمه سنی امر ایله مکده در .

بوصورتله طلاق قوتی ، نوعاً قادینک اله و یریلکده در . قادیکن آرزو ایشدیکی تقدیرده اولندیکی زمان ، یاخود لدی الطاب و یا طلاق وقوعی تقدیرنده آلاجنی مهرک ، طلاق کندی النده بولوندیراجق درجه ده یوکسک اولماسنی تأمین ایدمه بیلیر .

سوره بقره ده طلاق حقنده وارد اولان آیات کریمه نك مآلی بوجه آتیدر :

« طلاق ایکی کره اولور . اوندن سوکره زوجهلر کزله ایی کچینکیز ، یاخود اونلردن ترا کتله آریلیکیز . اونلره و یردی ککیزدن بر شی آلسه کز مباح ده کلددر . مکرکه حدود الهیه یی عدم محافظه لرندن اندیشه ایدمه سکیز ، اوتقدیرده احرار سربستی ایچون قادینک و یره جکی شیده بآس یوقدر . حدود الهیه بونلردر . بونلری تجاوز ایتمه ییکیز . کیم که حدود الهیه یی تجاوز ایدر ، البته ظالملر اونلردر .

« بویله جه بر ارکک زوج سنی تطلیق ایدر سه بوقادین باشقه بر ارککه نکاح لاندیجه برنجی زوجنه حلال اولماز . قادیکن بوندن بوشانیرسه اوکا وارمه سنده بآس یوقدر . اگر حدود الهیه یی اقامه ایدمه جکلی ظن ایدیورلرسه ایشته حدود الهیه بونلردر . جناب حق بونلری بیان بر قوم ایچون بیان ایدیور .

« قادینلری بوشارده بونلر معین مدته واریرلرسه یا اونلری حسن صورتله الله طوتیکیز ، یاخود اونلردن ترا کتله آریلیکیز . اونلری اینجتمک وحدودی تجاوز اینک ایچون ذمتک زده طوتمه ییکیز . بونی یاپانلر یوقی ، ایشته اونلر کندی نفسلرینه ظلم ایدنلردر . آیات الهیه ایله استهزا ایتمه ییکیز . جناب حقک سزه رایکان ایتدیکی نعمتلی ، سزی ارشاد ایچون کوندردیکی کتابی وحکمقی ، دوشونیکیز . اللهمن قورقیکیز واللهم هر شیشی بیلدیکی بلیکیز . »

سوره (طلاق) ده بویوریلدیورکه :

« ای نبی ! قادیناری تطلیق ایتدی ککیز زمان اونلری عدتلی ایچون تطلیق ایدی ککیز . عدتی حسابلا ییکیز . ربکیز اولان آلهمن قورقیکیز . قادینلر آجیق بر فاحشه ارتکاب ایتمه دجه اونلری اولرندن اخراج ایتمه ییکیز . اونلرده اولرندن چیقوب کیتمه سینلر . حدود الهیه ایشته بونلردر . حدود الهیه یی تجاوز ایدنلر کندی نفسلرینه ظلم ایدرلر . بیلدز سکیز ، بلکه جناب حق اوندن سوکره اونلری نه برلشدر .

« بناء علیه عدتلی انقضا ایدنجه قادینلری یا اییلکه طوتیکیز ، یاخود اییلکه اوناردن آریلیکیز . ایکی شاهد عادل اشهاد ایدی ککیز . شهادتی الله ایچون ایفا ایدی ککیز . الله و یوم آخرته ایمان ایدن بوندن مستفید اولور . اللهمن قورقانلره جناب حق بر خراج کوستر . . . »

« کندی اقامت ایتدی ککیز یرده قدر تکیزه کوره اوناری اقامت امر یریکیز . اونلری ضیق دوچار ایتک ایچون اینجیمه ییکیز . حامله ايسه لر وضع حمل ایدنجه قدر اونلری اتفاق ایدی ککیز . چوجوقلری آتدیرلرسه اجر تلرینی و یریکیز . یکدی ککیزه قارش اییلک ایتیه یی توصیه ایدی ککیز . اختلاف ایدر سه کز باشقه بری چوجوقلری ارضاع ایدمه بیلیر .

خوش ہو سوزینک جدیدتہ قائلی دہ اینسامیور یا ۱ پی بویہ ایمش دہ اسلامک سرعته انتشار ایتھسندن، افراد مسلمینک جو غلامی حسابہ ارواح نصرانیہک آزما سندن طولای اولجہ بڑہ دیکتدیکی او قولاقار طیرمالایان اوزون و ناموزون مرثیہ لہ نایدی ؟ باخصوص بوسطرلرک دہا مرکبی قورومادن بش آلی سطر آشایدہ بابانک نظرندہ - طبقی پروتستانلق کبی - شیزماتیک یعنی آنا کلیسادن افتراق ایتش اولان زواللی روم کلیساسنہ ندن او قدر چایور ؟ عقل قنطاریہ، اورونجہ بو سوزدہ کی تناقض آب آچیق کورونور .

لکن مؤلفک بورادہ استعمال ایتدیکی آلت استدلال قوانین عقلدن استنباط اولونان قیاسک منطقہ دکلدن. اونک بورادہ قوللاندینی - تمیز جائز ایسہ - منطق حسیدر . عقلی هانکی حسہ زبون ایتدیکی تصریحہدہ حاجت یوق . روم کلیساسی اسلامک انتشارینہ مقاومت ایدہ مدیکی ایچون اوکا قارشى بغضی اوتہ کندن زیادہ در . پروتستانلغک ظہوری ایسہ فتوحات اسلامیہک طور دینی ، صولت اسلام تدافعی مقاومتہ منقلب و بر جوق اقوام اسلامیہ پروتستان اقوامہ مغلوب اولدینی ایچون بو موضوعدہ اونلر حقندہ کف لسان ایتکی ترجیح ایدیور . یوقسہ عقیدہ اعتباریلہ قاتولکلکک نظرندہ مریض و بو کلیسا . نک سلامتی ایچون واجب القطع عضولر اولمقدہ البتہ پروتستانلغک اورتودوقسلقدن فرقی یوقدر . مؤلفک استدلالندہ بر آز جدیت وارسہ اسلامہ - فرض بویا ۱ - بوکون یکی بر قوت کلوبدہ خستہ عضو دیدیکی شرق کلیساسنی بوسبوتون اورتہ دن قالدیرسہ ، بوتون اورتودوقسلری مسلمان ایتسہ بویکی فتوحاندہ قاتولکلکک نجات بخش اولیور دیہہ سونیہ سی لازم کلیرکہ بو فرضک احتمال وقوعی بیلہ مومی الہک عقل و منطقنی محورندن اویناتیر ظن ایدہ رم . چونکہ دہا بوسوز قلمندن طامالار طامالماز هان :

«اسلامیتک مدح وسفایشنہ دائر برائر یازمقی فلرندہ دکلز . وظیفہ لرزدن بری بو جدالو دینک بفریتہ ویردیکی غیر قابل تصویر فلاکتلی ، نامتناهی خطالری (خطالک کیمہ هائد اولدینی آکلاشیلامیور) بیطرفانہ (۱) حکایہ ایتکہ اولاجقدر . »

سوزلریلہ ناقوس استغفارینی چین چین اوتدیرمکدہ استعجال ، « بیطرفانہ » تعبیر نفاق آلودینی دہ اونو تمقیزین - محضادیل آلیشیقانی اولارق - استعمال ایدیور . بوتاریخک بوتون پروغرامی شو صوک سطرلردہ تلخیص ایدلش بولوندینی ایچون کتابک بڑہ آجدینی کشور حرفاندہ آدیلمرمنی ناصل حسابلایہرق آتمق لازم کلدیکی برکت ویرسون کہ ینہ مؤلفک لطف دلالتیلہ اوکرہ نیورز .

فقرنک بوندن صوکرہ سی شرق کلیساسنک ذم و تقیضہ هائددر ، «روملرک وروسلرک تابع اولدینی بو اورتودوقس خرسیتیانلغک بدنجی

« وسعت حال صاحبی اولان حالہ کورہ اتفاق ایتسین . رزقی محدود اولان، جناب حقک کذبینہ احسان ایتدیکندن اتفاق ایتسین . جناب حق کیمسہ یہ وسعتندن فضلہ برشی تحمیل ایتز . الله، عسردن صوکرہ یسر احسان ایلر . »

مشیر مسیحی قیبرای

اسلام تاریخی مہندہ

مرفل - § ۲

بوفقرہ نک موضوعی « اسلامیتک خرسیتیانلغہ بالواسطہ ایفا ایتدیکی خدمتی کوسترہ جک بر اثر هنوز یازلامش » اولدینی ایچون بوقراکلق وغیر مکشوف نقطہ بی سوزدہ ایضاح اولیور . فقط مؤلف جنابلرینک بوبک جتین اعتراف ایتساندہ کی سوزلری بک صقینتیلیدر . اوزرندہ کتم حق التزام ایدن و مشہودلہ عداوتی مرحال و طورندہ ظاہر اولدینی حالہ ماوقعہ مطابق بعض سوزلری محضا حکامک شاشیرتمہ زوری ایلہ کسوۂ ابهامہ بورویہرک مکرہا و کرہا آغزندن فیرلاتان بر شاهد زورحالی وارددر . عصری مدنیتک آسیادہ کی دہا قدیم و دہا محافظہ کار مدنیتلر اوزرندہ کی تاثیر انحلال پرورانہ سنہ مسلمان قوملرینک مقاومت کوسترہ لرندہ اولیہ غلبہ چالماز بر عناد و اصرار وار ، ایمش « کہ مجادلہ بو اہمیتی ایلریدہ دہ محافظہ ایدہ جک ، ایمش . « اسلامیتک ظہورینی خرسیتیانلغک لندن مؤبدآ آلدینی مؤمنلرک مقداری » ، خرسیتیان کلیساسنہ باعث اولدینی معنوی و مادی ضررلرک چوقلانی یوزندن خرسیتیانلغک دوچار اولدینی مصائبک الک عظیمی کبی تلقی » ایتدیکندن طولای مؤلف خرسیتیان کلیساسنی محتاج تسلیت عد ایدہرک اسلامک نصرانیتہ بالواسطہ خدمت ایتدیکی سویلہ مکہ یورکنہ بر آز صو سرہمکہ لزوم کوریور . و :

« ... اسلامیت خرسیتیانلغک خستہ بر چوق عضولرینی قطع ایدہرک و اونی مشکل بر امتحانہ صوقہرق خرسیتیانلغہ بالواسطہ بوبوک بر خدمتدہ بولونمشدر . پروتستانلق روم فورماسی قاتولکلکک انحطاطنی تحدید و توقیف ایدن نجات بخش بر عکس العمل وجودہ کتیرمہ مشیدر ؟ »

دیورکہ بوناشنیدہ استدلالک قوتنہ طوغروسی دیہہ جک یوق . دیمک کہ خرسیتیانلق ، جماعتندن یوزلرجہ میلیون خلقتک اعتزالی ویا دیگر بر دینہ کیرمہ سی سایہ سندن نجات بولش ، انحطاطی تحدید و توقیف ایدلش ، اولیہ می ؟ بو نہ عجایب دین و عقیدہ ایمش کہ سالکانی آزمادبجہ رسوخ واستقرار پیدا ایدہ میور ، دہا غریبی وارلغنی قورتارہا میور ؟ دنیادہ دینی، غیر دینی هیچ بر جماعت وارمیدر کہ ہم فکر و ہم عقیدہ اولان افرادینک آزماسیلہ افتحار ایتسون ؟ ہر حالہ تسلیتک بونوی بوتون معناسنجہ زوکورت تسلیسیدر . بوقیاسی تمثیلی کولونجدر ،